

Prilog 4: UPUTSTVO ZA PONUĐAČE ZA POPUNJAVANJE PONUDE

1. Predmet ponude

Ekspertske pravne usluge za potrebe realizacije projekta "Improving the Legal Framework for Philanthropy" definisane u Prilogu 1 – ToR u periodu od novembra 2020. godine do jula 2024. godine.

2. Valuta i PDV

Cijene u ponudi moraju biti u BAM i bez PDV-a.

Ponuda treba da obuhvati ukupnu vrijednost usluga navedenih u Projektnom zadatku (ToR) tokom cijelog projekta. Plaćanje izvršenih usluga će biti po dobijanju fakture u skladu sa poslovima realizovanim u prethodnom periodu i prihvatanju izvještaja o izvršenim poslovima. Ukupan iznos svih faktura ne može biti viši od iznosa navedenog u ponudi.

3. Teritorija

Ponuđač je u obavezi da bude registrovan na teritoriji Bosne i Hercegovine.

4. Rokovi isporuke

Izabrani Ponuđač mora poštovati projektnu dinamiku i ponuđeni i usvojeni akcioni plan, koji se definiše na godišnjem i kvartalnom nivou.

5. Jezik ponude

Ponude, sva korespondencija i dokumentacija u vezi sa tenderom koja je razmijenjena između ponuđača i Fondacije Mozaik mora biti pisana na jednom od službenih jezika koji su u upotrebi u Bosni i Hercegovini.

6. Dostavljanje ponuda

Potrebno je da nam dostavite:

1. Ponudu na formularu (Prilog 2)
2. Popunjene opšte podatke o ponuđaču (Prilog 3)
3. Traženu prateću dokumentaciju

Traženu prateću dokumentaciju čini:

- a) Rješenje o upisu u odgovarajući registar (Rješenje nadležnog suda ili Advokatske komore),
- b) Listu ključnih eksperata pravnog lica ili advokatske kancelarije iz naznačenih oblasti i njihove biografije,
- c) Referentnu listu ranijih projekata iz ove ili sličnih oblasti.

Ponuda se, zajedno sa traženom pratećom dokumentacijom, dostavlja od 9 do 16h (u štampanom formatu) u zatvorenoj koverti (sa pečatom na spojevima i sa naznakom Prijava na javni poziv "Improving the Legal Framework for Philanthropy") najkasnije do 30. oktobra 2020. godine, lično ili poštom na jednu od dvije adrese u nastavku.

Fondacija Mozaik
Splitska 14, 71 000 Sarajevo
Bosna i Hercegovina

Fondacija Mozaik
Miše Stupara 10, 78 000 Banja Luka
Bosna i Hercegovina

7. Otvaranje ponuda

Ponude će biti otvorene 2. novembra 2020. godine, a o tačnom vremenu otvaranja, svi ponuđači će biti obavješteni mailom uz mogućnost prisustvovanja otvaranju ponuda.

Predata ponuda mora ostati važeća za period od minimum 90 dana nakon roka za predaju ponuda.

Ponude koje ne sadrže sve tražene podatke i dokumentaciju i koje ne budu dostavljene u predviđenom roku neće biti uzete u proces razmatranja. Neće se uzimati u obzir nikakve ograde u ponudi u odnosu na javni poziv, svaka ograda će imati za posljedicu automatsko odbacivanje ponude, bez dalje evaluacije.

Fondacija Mozaik zadržava pravo da, u cilju dobivanja povoljnijih uslova za nabavku usluga, prije odluke i potpisivanja ugovora pregovara sa svim ponuđačima o dostavljenoj ponudi, pri čemu nije obavezna da prihvati bilo koju ponudu ili da sklopi bilo kakav ugovor.

8. Izbor najpovoljnijeg Ponuđača

Komisija, sastavljena od predstavnika Fondacije i predstavnika članica projekta će izvršiti analizu ponuda i donijeti odluku o izboru tri ekonomski najpovoljnije ponude, a ponuđači mogu biti dodatno konsultirani ukoliko budu potrebna dodatna pojašnjenja vezana za ponudu. Nakon toga, Komisija će izabrati najboljeg Ponuđača. Odluka će biti dostavljena e-mailom svim ponuđačima koji su dostavili ponudu. Ponuđači mogu ponuditi i pro bono usluge kao dio svog društveno-odgovornog poslovanja.

Osnovni kriterij Komisije za donošenje odluke biće ekonomski najpovoljnija ponuda.

Ekonomski najpovoljnija ponuda podrazumijeva balans sljedećih kriterija po redoslijedu prioriteta:

1. Cijena usluga
2. Lista i biografije eksperata i ekspertica
3. Reference sa prethodnih projekata

Ukoliko su vam potrebna dodatna pojašnjenja ili dodatne informacije u vezi procesa prijavljivanja i selekcije za javni poziv, molimo vas kontaktirajte Nenada Ličanina na e-mail adresu: nenad@mozaik.ba.